









武當山玄天上帝垂訓



吾號治世福神鎮北天大將軍遊巡諸  
天諸地掌握世界乾坤扶助太平天道  
護佑國王大臣不忍五濁惡世衆生受  
苦遭辛旱澇飢饉疾疫水火劫盜刀兵  
天下江南江北朝病暮死七分吾向三  
元八節三會五臘生辰斗降七齋三七  
本命甲子庚申臘月二十五日親隨  
玉帝降臨統領千真萬聖檢察下鬼人  
民記錄作善作惡較量罪福重輕則

滅死一半重則死絕滅門善者得見天  
日惡者不見太平信者得度末劫不信  
喪命亡魂檢舉不忠不孝抄錄無義無  
仁窮不安分守已富不念老憐貧輕重  
長短秤尺大小斛斗方升買賣欺瞞良  
善交關舉用不平使盡機關腸肚惡心  
害衆欺群合舌惡口闢亂教唆州縣鄉  
村恣意慳貪嫉妬是非人我爭嗔不識  
善惡因果不畏天地神明強梁不得老  
死結冤促壽除齡故違天符抄錄疥癬



痲痘災瘟肚痛赤眼瀉痢惡瘡濃血瀉  
淋咽喉急風唾毒寒熱咳嗽呻吟打筭  
未盡劫數十磨九難未經天遣

帝王治世滅除惡黨紛紛似我當初學  
道直磨鉄銳成針治盡不平等輩方始

大地成金奉勸世人敬信聽吾指說叮  
嚀不可聽聞邈邈各依戒律諄諄方見  
太平年到上元甲子當旬自此風調雨  
順田蚕五穀豐登天下太平樂業人民  
歌詠歡欣到此人身難得各宜修省思

尋更有泰山東嶽速報立報司存莫道  
造惡不報直待惡貫滿盈莫道修善無  
應直待善果圓成若有人間私語天上  
聽若雷霆不可欺心暗室神目如電光  
熒陰陽悞傷人命修犯地曜天星醫藥  
悞傷人命方脉指下不明僧道師人積  
罪貪求世利食葷善信誦經有罪差訛  
句字不真溺死兒女之罪千生萬死冤  
親切莫殺食物命放火燒殺山林積累  
無邊罪業冤冤報屈難伸切莫殺食牛



犬免墮萬劫沉淪告報行法弟子天條不  
可不遵愛惜一切字紙遇諸水火漂焚帝  
聽好生惡死簿書日夜具呈陽有陽間  
罪業陰有陰司典刑請看冥司錄載太  
上感應篇云造作善善惡惡報應如影  
隨形一勸敬重天地心香一炷晨昏二  
勸孝養父母堂前活佛二尊三勸皈依  
三寶儒釋道教同倫四勸修齋布施報  
答四重深恩五勸善男信女持齋念佛  
看經六勸州縣官吏治民如水之清七

勸救濟孤滯四生六道苦輪八勸富家  
布施架橋砌路修因九勸九流伎藝三  
六九字同倫十勸廣行陰德福及子子  
孫孫但行方寸心地畱與後代耕耘所  
作總依本分與人方便朴淳若以遮相  
傳寫吾當助汝於陰家有一本供養全  
家老幼安寧身有一本佩帶免遭一切  
災迤若寫五本奉勸壽增半紀餘齡若  
寫十本奉勸一紀壽筭增新印施百千  
萬本名同佑聖真君當境城隍里社喜



顧保舉奏聞三界四府列詞吾同保奏  
天庭北府消除罪籍南宮注上生名見  
存獲福無量九玄七祖超昇上號金科  
玉律下曰勸世界文更有能行正直不  
昧陰空神明不以祭饗加福不以不祭  
生述有福休誇俊麗無福休怨鬼神欲  
知前世因果今生受者之身要知後世  
因果今生作者之心人能知時速改切  
莫更待因循吾乃勅示誠語畱傳往古  
來今大德五年十二月二十四日武當

山靈應觀庭化筆

吾受

玉帝勅命長生治世福神佛中即無量  
壽道乃金闕化身統轄天神天將天上  
天下遊巡糾察神人功過一月一度奏  
呈所作有功必錄所作有過必愆賞罰  
定依  
天律分毫不順私情神若有功保奏各  
依玉格擢陞人若有功錄用即與仙籍  
標名神過罰為下鬼鬼過減跡分形人



過各依輕重水火瘟疫官刑若有十分  
重罪虛空霹靂一聲不以奉吾私底不  
以不奉生嗔吾欲世人普度今特誨語  
諄諄喫着

國王水土終身不得忘恩有此髮膚身  
體湏當孝養雙親和順內親外族愛惜  
手足弟兄大者提携卑幼小者侍奉年  
尊但遇三元五臘薦拔上祖亡魂凡處  
鄉黨隣里往來禮樂恂恂不可自稱富  
貴富貴難保長存不可輕忽貧賤貧者

未必長貧諸門多生餓餒白屋每出公  
卿脩仙學道之士當依經教慇懃切莫  
反行邪道一時悞了前程識字為儒為  
吏切莫弄法侮文為醫審證用藥為術  
依經講明經商為求利息須要本分平

心莫用兩般秤尺休使大斗小升財餘  
足用守己色非己者休淫麗衣蔽身足  
矣淡飯一飽為榮諸物貪生畏死莫為  
口腹殺生五穀須要愛惜牛犬食之招  
瘟柔軟衛身之寶剗强惹事之因天下



奉真者衆誰能積得功勲吾欲選用賢  
者萬中一二難尋凡遇

聖明治世四海之內太平作善延年享  
福後代光顯門庭作惡自身促壽更無  
折子磨孫人若敬信吾語多多抄寫勸  
人若能傳寫千本勝看一藏真經吾道  
天下擁護自然百福來臻人若毀謗吾  
語城隍社令申聞雷部瘟部火部聽吾  
詔令施行

大清國駐劄南府總領事官張人駿奏為

大興縣南董坊江米巷面西居住

三十三歲信京命庚子年十一月二十七日因病逝世  
葬於家後山

葬於無由合葬四恩三有恩念

三十三歲戰日月照臨白土水土父母生身即死

二天上帝聖訓寶經一歲計五千四百八十卷

聖經

誦念供奉同登仙果皆得成就





